

## Euroaren sorrera Moneta bakarraren lehen eguna

EURO BATEK 166,386 PEZETA; 6,559 LIBERA; 1,667 DOLAR ETA 132,800 YEN BALIO DU GAURTIK AUERRERA

# Euroak harreman ekonomikoak indartu eta aurre egingo dio dolarraren nagusitasunari

■ Euroa da atzotik Europako 11 estatutako diru ofiziala, eta ohiko dibisak euroaren zatiki hutsak izango dira

■ Hemendik 2002. urtera esku-dirurik behar ez duten transakzio ekonomikoak egiteko erabili ahal izango da

■ Euroaren eta beste dibisen arteko truke balioak behin betiko finkatuta daude hiru urteko igarotze eperako

Erredakzioa / Bilbo

EUROA hamaika estatutako harreman ekonomikoak bideratzeko jaio da, baina Europatik kanpora ere helburu handiak ditu mundu zabalean: diru egonkor eta sendo bilakatzea, EEBBtako dolarraren nagusitasunari aurre egingo diona.

Europako diru bakarra osatzeko asmoa duela 30 urte sortu zen, eta dagoeneko zortzi urte igaro dira estatuetako agintariek Maastrichten asmo hori eginbidean jarri zutenetik, irizpide ekonomiko zorrotzak ezarri.

Azkenik, hamaika estatuk bereganatu dute euroa, euren kontu ekonomikoak doitu eta gero. Beste batzuek diru burujabetasunari eustea hobetsi dute, oraingoz behintzat, diru bakarrarekin zer gertatzen den ikusteko, eta estatu batek —Grezia— ezin izan du euroaren taldean sartu, baldintza ekonomikoak ez betetzeagatik.

Nolanahi ere, eurotik kanpo gelditu diren Europako estatu horiek ere 2002. urtera bitartean aukera izango dute, irizpide ekonomikoak hamaikekin bateratuz gero, euroa bereganatzeko.

### Diru berria ekoizten

Hiru urte horietan itxaron behar da, 2002ko urtarrila arte hain zuzen, euro bileteak eta txanponak herriarrek esku eta poltsikoetan edukitzea, eta ordainketak diru berriarekin normaltasunez egiteko.

2002ko urtarrilean zenbait hilabeteko epea zabalduko da euroa nahiz ohiko dibisak batera erabiltzeko, eta epe hori igarota pezeta, libera, markoa eta beste monetak behin betiko desagertuko dira.


Ordura arte, 290 milioi europarrek esku-dirurik behar ez duten transakzio ekonomikoak egiteko soilik

## Euroaren balioa

### Kotizazioa

|                |         |
|----------------|---------|
| Dolarra (EEBB) | 1,16675 |
| Yena (Japonia) | 133,300 |

### Paritatea



dibisa hauek euro diru ofizialaren zatikiak besterik ez direla.

Euroa jaiotzeko azken urratsa herenegun egin zuten Europako Finantza ministroek, gainontzeko dibisekiko truke balioa finkatu zutenean (euro bat: 166,386 pezeta eta 6,559 libera). Truke horiek ez dira aldatuko hiru urteko igarotze epean.

Hiru urte horietan 50.000 milioi txanpon egingo dira, zortzi balio motakoak (zenti-mo bat, bi, bost, 10, 20 eta 50ekoak, eta euro bat eta bikoak), baita 13.000 milioi bilete ere, zazpi balio motakoak (5, 10, 20, 50, 100, 200 eta 500 eurokoak).

### Euro gunearen indarra

Mugarik eta trukerik gabe, inbertsioek eta finantza fluxuek inoiz baino gehiago eta azkarrago zirkulatuko dute hamaika estatuek osatutako merkatu zabalean.

Euro gunek ez du munduko hazkunde ekonomikorik handiena izango, baina bai inflaziorik, interes tasarik eta defizit publikorik apalenak. Munduko ekoizpenaren %19,4 eta komertzioaren %18,6 euroaren taldeari dagozkio gainera.

Datu horiek egonkortasun eta sendotasuna emango diote euroari, nazioarteko inguru ekonomikoetan EEBBtako dolarrarekin lehian aritzeko. Jaiotzetik, euro batek 1,16675 dolar eta 132,800 yen balio du.

Ikusteko dago orain euroak nola eragingo duen Europako estatuetako ekonomia errealean: enpresetan, herri-tarren ongizatean eta enpleguan. Lehenengo azterketa astelehenean bertan egingo du, finantza merkatuetako kotizazioak eurotan egiten hasten direnean.



Fotomuntaia bat, euro batek zenbat marko balio duen azaltzeko.

erabili ahal izango dute euroa, batez ere finantza merkatuetan eta entitateetan: txekak, bankuetako

transferentziak edo kontuak, akzioak, kreditu txartelak eta zergak eurotan egin ahal izango dira.

Eskura egiten diren ordainketak ohiko dibisetan egiten jarraituko dute europarrek, beraz, baina jakinik